

Лекторск багин көдлмш ясрулхин төлө

Шидр Улст балгьенд ВЛКСМ-и таньгъчин комитетин кесн лектор-мудни гардачирни республиканск совещань болв. Эн совещаньд мана республикин район болгъна лекторск багин гардачир болн комсомолин балгъсна комитетин докладчикүд оршв.

Совещани; ВЛКСМ-и Хальмг таньгъчин комитетин негдгч сеглэтр үр В. С. Бушин секв. Эр Бушин лекторск көдлмшин чинрин тускар совещаньд орсн улст келдж өгв.

— Мана партин болн правительствин газалин болн дотр-дундин поли-

тиги тускар күч-көлсчир дунд цää-лгъвр, жүр-күүндвр кедж, мана олт амтна политическ болн культури жемджагъчин өддлүүлхд комсомольцир шунмъга кевәр орх зөвтә. Хуучи цагин авъяемудла тасрлтан угагъар ноолда келгън—комсомолин эрки төр,—гидж эн келв.

Дарунь КПСС-и обкомин лектор үр С. Лавгинов, Советск Союзин нарт делкән бәädлин тускар совещаньд орсн улст, лекцд умшдж өгв.

КПСС-и обкомин лекторск багин гардач үр Н. А. Некрасов бийән ягъдж лекцд белдхин, ягъдж кергтә тоот материал багддж, сонъсачирт лекцд умшдж өгхин тускар сүв-селвг өгв. Совещаньд орсн улс иим сән сүв-селвг өгсиднь үр Некрасовд ханлт өргв.

Лекторин келнә тускар, ягъдз эврә келән ясрулх, эн төлө ю кехин тускар сонъсачирт педучилищин багш Е. А. Скворцова келдж өгв.

Дакад лекторск багин гардачир эврә көдлмшиннь тускар, лекторск көдлмшт бәäh дуту-дундсиг шалгъдж, ягъдж, эврә көдлмшән ясрулхд дөнъ болгч сүв-селвгән хувацв.

Лекторск болн пропагандистск көдлмшт бәäh дуту—дундсиг диглдж, цаарандк көдлмштән мана партин политикиг олт дунд чик кевәр цääлгъдж чадлгъна ик чинринь эврәиннь товчлгч үгдән үр Бушин те-мдглв.

С. ЖУНОВ.